



KEMENTERIAN WILAYAH PERSEKUTUAN

Aras G-7, Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: www.kwp.gov.my

SIARAN MEDIA

LANTIKAN AHLI BAHARU YANG LEBIH MANTAP UNTUK MENERAJUI MPPWP KUALA LUMPUR DAN PUTRAJAYA

KUALA LUMPUR, 11 Julai 2020 – Hari ini saya menyerahkan watak pelantikan kepada dua belas (12) Pengerusi Zon Majlis Perwakilan Penduduk Wilayah Persekutuan (MPPWP) mewakili 11 Parlimen di Wilayah Persekutuan Kuala Lumpur dan satu Parlimen di Wilayah Persekutuan Putrajaya yang baharu.

MPPWP yang dilantik pada hari ini dianggotai oleh individu yang saya lihat mampu memainkan peranan menggerakkan komuniti setempat melalui penganjuran program kemasyarakatan. Kredibiliti Pengurusan MPPWP ini amat perlu bagi mengupayakan komuniti setempat ke arah perpaduan, kelestarian persekitaran, keselamatan, kesejahteraan dan pembangunan modal insan. Oleh itu, pelantikan pengurusan baharu MPPWP dibuat untuk menyusun semula MPPWP di Wilayah Persekutuan yang mana sebelum ini dilihat kurang aktif dan tidak menyumbang kepada pembangunan komuniti setempat.

Dalam usaha untuk membangunkan semula Wilayah Persekutuan dalam tempoh pasca COVID-19 ini, tanggungjawab MPPWP adalah lebih besar dalam membantu menyampaikan maklumat inisiatif kerajaan agar difahami hingga ke akar umbi. Malah MPPWP juga perlu menyalurkan maklumat keperluan masyarakat setempat kepada kerajaan secepat mungkin. Selain itu, MPPWP juga perlu memainkan peranan dalam menyelesaikan isu dan permasalahan setempat yang diletakkan di bawah tanggungjawab mereka.

Pelantikan baharu MPPWP Kuala Lumpur dan Putrajaya ini sepatutnya memainkan peranan yang lebih proaktif dalam menjalinkan kerjasama yang erat antara kerajaan dengan rakyat bagi memastikan kebajikan warga Wilayah Persekutuan sentiasa terpelihara. Saya berharap supaya semua inisiatif untuk kesejahteraan rakyat dilaksanakan secara bersama oleh MPPWP dengan komuniti setempat supaya kualiti kehidupan warga Wilayah Persekutuan bertambah baik dari masa ke semasa.

TAN SRI TPr ANNUAR BIN HAJI MUSA

Menteri Wilayah Persekutuan

11 Julai 2020